



IBARRAKO UDALA
(Gipuzkoa)
Euskal Herria

2017KO MARTXOAREN 10EAN TOKIKO GOBERNU BATZARRAK EGINDAKO OHIKO BILKURA

Etorri diren batzordekideak:

Mikel Agirrezabala Ezkurdia

Miren Itziar Arratibel Imaz

Jexus Peñagarikano Labaka

Etorri diren zinegotziak:

Jon Mikel Iglesias Otegui

Arkaitz Fraile Quijera

Victoria Rodriguez Feloaga

Idazkaria: Naia Ruiz de Eguino Garcia-Echave

Ibarran 2017ko martxoaren 10ean udaletxeko bilera-aretoan, goizeko hamaikak direnean Tokiko Gobernu batzarrak bilera egin zuen eta alboan adierazitako jaun-andreak elkartu ziren ohiko bilkura egiteko asmoz, horretarako deituta baitzeuden

Egintzaren buru Mikel Agirrezabala Ezkurdia alkate izan zen eta bitarteko idazkari lanetan Naia Ruiz de Eguino

Udalburuak egintza ireki dela adierazi ondoren, bilkura honetarako ditugun gaiak aztertu eta eztabaidatu dira eta honako erabaki hauek hartu dira

LEHENA:

1.2017KO MARTXOAREN 3KO AKTAREN ONARPENA

2017ko martxoaren 3an eginiko Gobernu batzarraren akta irakurri ondoren, hona Tokiko Gobernu Batzordeak, aho batez, harturiko

ERABAKIA

BAKARRA: Onartzea 2017ko martxoaren 3an eginiko Gobernu Batzarraren akta



IBARRAKO UDALA
(Gipuzkoa)
Euskal Herria

BIGARRENA:

2.- IBARBURUONDO ETXEAN TXOKO LIZENTZIAREN INGURUKO ERABAKIA

Idazkariak hauxe jakinarazten du gai honen inguruan: Donostiako Administrazioarekiko auzien 2. zenbakiko epaitegiak 24/2014 prozedura arruntean emandako sententziaren betearazpena eskatu duela 2017ko otsailaren 23ko erabaki baten bidez. Aurrez, gai honen inguruan harturiko erabakia guztiak Udalbatzak hartu ditu. Ondorioz, betearazpenaren justifikazioan hartu beharreko erabakiak Udalbatzak erabakitzea egokiagoa da.

Ondorioz, gai hau hurrengo Udalbatzan erabakiko da.

Korporazioa jakinaren gainean gelditzen da.

HIRUGARRENA:

3.- BERDINTASUN KABINETEA KONTRATATZEKO ESLEIPENA HUTSIK DEKLARATZEA.

2017ko otsailaren 10ean, Berdintasun Kabinetea kontratatzeke (publizitaterik gabeko prozedura negoziatu bidez) baldintza administratibo eta teknikoaren pleguen onarpena erabaki zen Gobernu Batzorde bidez.

Prozesuan parte hartzeko gonbitea enpresei aurkeztu ondoren, 2017ko martxoaren 10ean ez da inor aurkeztu. Enpresekin hitz egin ondoren, pleguetako baldintzak aldatuz gero aurkezteko borondatea agertu dute.

Ikusita ez dela enpresarik aurkeztu, Berdintasun Kabinetea kontratatzeke prozesu hau hutsik gelditu denez, prozesua bertan behera uztea egoki ikusten du idazkariak.

Guztia kontutan izanik hona Tokiko Gobernu Batzordeak, aho batez, harturiko



IBARRAKO UDALA
(Gipuzkoa)
Euskal Herria

ERABAKIA

LEHENEGOA: Berdintasun Kabinetea kontratatzeko esleipena hutsik deklaratzeko (2017ko otsailaren 10eko Gobernu Batzordeak onarturiko pleguen baitan) eta prozesu hau bertan behera uztea.

LAUGARRENA:

4.- BERDINTASUN KABINETEA KONTRATATZEKO PUBLIZITATERIK GABEKO PROZEDURA NEGOZIATUAREN BALDINTZA ADMINISTRATIBO ETA TEKNIKOEN PLEGUEN ONARPENA

2017ko otsailaren 10ean, Berdintasun Kabinetea kontratatzeko (publizitaterik gabeko prozedura negoziatu bidez) baldintza administratibo eta teknikoaren pleguen onarpena erabaki zen Gobernu Batzorde bidez.

Ikusirik 2017ko martxoaren 10ean hutsik deklaratu dela Berdintasun Kabinetea kontratatzeko prozesua eta kontutan izanik beharrezkoa dela zerbitzu hau kontratatzea; Gizarte zerbitzu sailetik Berdintasun Kabinetea kontratatzeko plegu administratibo eta tekniko berriak aurkeztu dira (publizitaterik gabeko prozedura negoziatu bidez egingo da), non aurreko prozesuko baldintzak aldatzen diren.

Guztia kontutan izanik eta aurkezturiko dokumentazioa aztertu ondoren hona Tokiko Gobernu Batzordeak, aho batez, harturiko

ERABAKIA

LEHENEGOA: Onartzea Berdintasun Kabinetea kontratatzeko (publizitaterik gabeko prozedura negoziatu bidez) plegu administratibo eta teknikoak

BIGARRENGOA: Hiru enpresei gonbidapenak egitea Berdintasun Kabinetea kontratatzeko prozesuan parte hartu dezaten.

BOSGARRENA:

5- GALDE-ESKAERAK

5.1 IBAI GAIN 4 ZENBAKIAN DAGOEN LOKALAREN IZENA OFIZIALAREN ONARPENA



IBARRAKO UDALA
(Gipuzkoa)
Euskal Herria

Ibai Gain 4 zenbakian dagoen Udal lokala izendatzeko izen ofiziala ezartzea egoki ikusten da.

Aurrez, auzo honetan Txontxo izendun baserria zegoen eta izen hori herritarren artean ezaguna dela kontutan izanik Ixiar Arratibel zinegotziak izen horrekin Ibai gain 4 zenbakiko lokala izendatzea proposatzen du

Hona Tokiko Gobernu Batzordeak, aho batez, harturiko

ERABAKIA

LEHENEGOA: Onartzea Ibai Gain 4 zenbakiko udal lokala "TXONTXO" izenarekin izendatzea.

5.2 EUSKAL HERRIA 18KO ETXEBIZITZETAN ZORRAK DITUEN GAZTEAREN KASUAN NEURRIAK HARTZEA.

Euskal Herria 18-2 ko 1-D etxebizitzan dagoen gazteak zorrak ditu Ibarra Udalarekin hilero dagokion kanona ez baitu ordaindu. Egun honako zor hauek ditu:

- 2016ko abenduko kanona 100 euro
- 2016ko abenduko kanona ez ordaintzeagatik %5eko erreargua 5 euro
- 2017ko urtarrileko kanona 250 euro
- 2017ko urtarrileko kanona ez ordaintzeagatik %5eko erreargua 12,50 euro
- 2017ko otsaileko kanona 250 euro
- 2017ko otsaileko kanona ez ordaintzeagatik %5eko erreargua 12,50 euro
- GUZTIRA: 630 euroko zorra

2017ko martxoaren 3an, gazteak 500 euroko diru-sarrera bat egin zuen Ibarra Udalaren alde. Oraindik 130 euroko zorra du Udalarekin eta egun gutxi barru martxoko kanona ordaintzea eskatuko zaio.

Guztia aztertu ondoren, hona Tokiko Gobernu Batzordeak, aho batez, harturiko

ERABAKIA



IBARRAKO UDALA
(Gipuzkoa)
Euskal Herria

LEHENEGOA: Euskal Herria 18-2 ko 1-D etxebizitzan dagoen gazteari jakinaraztea martxoaren 31rako aurrez Ibarra Udalarekin duen zorra, 130 euroak, eta martxoko errenta 250 euroak, ordaindu behar dituela. (guztira 380 euro alegia).

BIGARRENGOA: Jakinarazten zaio ordaindu ezean, Ibarra Udalak bere jabetza den etxebizitzatik (Euskal Herria 18-2 ko 1 D) kanporatu beharko duela 15 eguneko epean.

HIRUGARRENGOA: Jakinarazten zaio jada behin baino gehiagotan atzeratu dituela ordainketak eta Euskal Herria 18-2 etxebizitzetako arauak eta bere garaian sinatu zuen kontratua urratzen dituela. Etorkizunean beste ez betetze bat egiteak, zuzenean etxebizitza uzteko prozedura martxan jarriko duela gogorarazten zaio.

Eta bestelako aztergairik ez dagoenez, goiburuko eguneko hamaikak eta hogeita sei direnean, lehendakariak bilera amaitutzat ematen du eta nik, bitarteko idazkari naizen honek, akta hau egiten dut, bertan esandako eta erabakitako guztiaren berri jasoz.

I ERANSKINA

BERDINTASUN GABINETEA KONTRATATZEA PUBLIZITATERIK GABEKO PROZEDURA NEGOZIATUA.

BALDINTZA ADMINISTRATIBO ETA TEKNIKO ZEHATZEN AGIRIA

I.- KONTRATUAREN EDUKIA

1.- KONTRATUAREN XEDEA

Ibarra Udalaren berdintasunaren alorrean dituen beharrak asetzeko Berdintasun Bulego baten kontratazioa. Zerbitzu honen helburu nagusia Ibarra Emakumeen eta Gizonen Berdintasunerako I. Plana garatzea izango da.

Honako jarduerak burutu beharko dira:

1. UDAL FUNTZIONAMENDUA
 - a. Udala –egituraren organigraman gaia kokatzea
 - b. Sailerako arduradunei koordinazio bileretan gai modura txertatzea Ibarra Emakumeen eta Gizonen Berdintasunerako I. Plana baliabideak emanaz



IBARRAKO UDALA
(Gipuzkoa)
Euskal Herria

2. HERRITARREKIKO
 - a. Herritarrekin oro har eta emakumeekin bereziki hartu emana izateko eta elkarrekin lan egiteko gunea sortzea
3. ZERBITZUAREN BALDINTZAK
 - a. Zerbitzua Ibarra Udalean eman beharko da
 - b. Astero 12 ordu egin beharko dira. Gutxienez 6 ordu presentzialak izango dira (Ibarra Udalean lan egin beharrekoak).

2.- KONTRATUAREN IRAUPENA

Prestazioa eskaintzeko guztizko epea BI URTEKOA izango da. Beste bi urte berritzeko aukerarekin, urtez urte.

3.- KONTRATUAREN IZAERA ETA MOTA, ETA ARAUBIDE JURIDIKOA

Kontratuaren xedea kontuan hartuz, eta azaroaren 14ko 3/2011 Legegintzako Errege Dekretuak, Sektore Publikoetako Kontratuen Legearen Testu Bategina- SPKLTB-onartzen duenak 10 eta 19 art.etan xedaturikoari jarraiki, administrazioko zerbitzu kontratu bat da.

Kontratua publizitaterik gabeko prozedura negoziatu bidez esleituko da, SPKLko 138, 142 eta 169. artikuluetan adierazi eta arautzen den bezala.

Kontratua arautuko duen legeria:

- a) Plegu honetan eta plegu teknikoan jasotako baldintzak.
- b) Azaroaren 14ko 3/2011 Legegintzako Errege Dekretua, Sektore Publikoko Kontratuen Legearen Testu Bategina onartzen duena, aurrerantzean SPKLTB.
- c) Indargabetu gabeko Urriaren 12ko 1098/2001eko Errege Dekretua, Herri Administrazioetako Kontratuen Legearen Erregelamendu Orokorra onartzen duena.
- d) Maiatzaren 8ko 817/2009 Errege Dekretua, urriaren 30eko 30/2007 Sektore Publikoko Kontratuari buruzkoa partzialki garatzen duena.
- e) Administrazio kontratazioa arautzen duen estatuko nahiz Autonomia Erkidegoko foru edo tokiko aplikagarri den bestelako xedapenak.
- f) Kontratu honi zuzenean nahiz zeharka eragin liezaiokeen edozein mailako beste xedapen bat.



IBARRAKO UDALA
(Gipuzkoa)
Euskal Herria

Aurkakotasuna balego Plegu ekonomiko-administratibo honen eta kontratazio espedientean jasotako gainerako agirien artean, plegu honek aginduko du, alderdi teknikoetan izan ezik, horietan Baldintza Teknikoen Pleguak aginduko baitu.

Administrazioarekiko auzien jurisdikzioa baliatuko da kontratua dela-eta sor daitezkeen auzietarako.

4.- KONTRATUAREN PREZIOA

Kontratuaren prezioa gehienez 58.944 € izango da BEZ gabe (4 urteak kontutan hartuz). Eskatzaileek diru-kopuru hori hobetu dezakete.

Prezio horretan sartuta daude zerbitzua aurrera eramateko sortzen diren gastu guztiak (beharrezkoa den pertsonalaren soldatak, Gizarte Segurantzako kotizazioak, administrazio kostuak, langileen dietak, inbentariagarria ez den materiala..., hau da, udalak bere gain plegu honetan espresuki hartzen ez dituen gastu guztiak.)

Adjudikazio-hartzailea BEZa ordaintzetik salbuetsita baldin badago, behar bezala ziurtatu beharko du eta zenbateko hori ez da eskaintzan sartuko.

5.- FINANTZABIDEA

Kontratuaren prezioa ordaintzeko behar beste diru jarri da udal aurrekontuan.

6.- ORDAINTZEKO MODUA

Ordainketak prozedura honi jarraituz egingo dira:

Urteko prezioa 14.736 euro BEZ gabe (BEZ %21) izango dira. 12 hilabetetan ordainduko dira (hilero 1.228 €) esleipendunak fakturak elektronikoki aurkeztuaz bat.

7.- ESKAINTZAK ESKATZEA

7.1.- Enpresa lizitatzailerak.- SPKLko 178. artikuluari jarraituz, Ibarako Udalak eskaintzak eskatu ahalko dizkie kontratu hori egiteko gai diren hiru enpresari edo gehiagori. Eragin horretarako, gai joko dira jarduteko gaitasun erabatekoa duten pertsona natural edo juridiko espainiarrak edo atzerritarrak, baldin eta kaudimen ekonomiko, finantzario eta tekniko edo profesionala egiaztatzen badute eta ez badute SPKLko 60. artikuluan jasotako debekuetako bakar bat ere.

Eskaintzaren bat aurkezteak esan nahi du lizitatzailerak baldintzarik gabe onartzen dituela agiri honetako klausulak, eta adierazpen erantzulea ere bada,



IBARRAKO UDALA
(Gipuzkoa)
Euskal Herria

Administrazioarekin kontratua egiteko behar diren baldintza guzti-guztiak betetzen dituela adierazten duena.

7.2- Eskaintzak.- Enpresaburuei, ahal den guztietan, eskaerak idatziz eskatuko dizkie kontratazio organoak.

8.- BERMEAK

Behin-behineko bermea

Ez dago.

Behin betiko bermea

Eskaintza ekonomiko hobereana aurkeztu duen lizitatzailerak, ezarritako betebeharrak betetze aldera, behin betiko bermea ezarriko du, hain zuzen, adjudikazio zenbatekoaren %5ari dagokiona, BEZ sartu gabe.

Berme hori ezartzeko epea bost egunekoa izango da, behin-behineko adjudikazioaren iragarkia egiten denetik kontatzen hasita eta Sektore Publikoaren Kontratu Legearen Testu Bateginak, azaroaren 14ko 3/2011 Legegintzako Errege Dekretuak onartuak, 96.1 art.an ezarritako edozein modutan ezar daiteke.

Bermea itzultzea, Sektore Publikoko Kontratu Legearen Testu Bateginak, azaroaren 14ko 3/2011 Legegintzako Errege Dekretuak onartuak, 102 art.an ezarritako moduren batean egingo da, behin berme epea igarota eta adjudikatzaileak kontratu betebeharrak guztiak bete ondoren.

9. KONTRATUAREN HIZKUNTZA IRIZPIDEAK

EAEko hizkuntza ofizialei dagokionean ondoren betebeharrak zehazten dira:

9.1. Hizkuntza paisaia:

Errotuluak, oharra, seinaleak eta gainerako komunikazio orokorrak piktograma bidez egingo dira eta euskarazko azalpen mezua izango dute ondoren.

Piktograma bidez egin ezin direnean, euskaraz egingo dira mezua ezagunak edo ulergarriak direnean.

Aurreko bi kasuak ezinezkoak direnean, elebitan egingo dira euskarari lehentasuna emanaz, betiere administrazioarekin alde aurretik adostuta.



IBARRAKO UDALA
(Gipuzkoa)
Euskal Herria

9.2. Erabilera herritarrekin:

Zerbitzuaren erabiltzaileari harrera eta erantzuna administrazioari eskatzen zaizkion hizkuntza baldintza berdinetan egingo dira.

Administrazioak onartutako hizkuntza-irizpideei jarraituz, herritarrekin ahozko harremana (lehen hitza, telefonoz, erantzungailuan, aurrez aurrekoan, bozgorailutik, bileretan...) euskaraz egingo da.

Modu berean, era guztietako jakinarazpen eta komunikazioak (inprimakiak, oharrak, abisuak, ordutegiak, fakturak eta salerosketako bestelako agiriak...) euskaraz egingo dira. Herritarrak eskatzen duenean, euskaraz eta gaztelaniaz egingo dira, euskarazkoari lehentasuna emanez.

Zerbitzua ematean erabiltzen diren euskarazko testuak zuzenak eta egokiak izatea bermatuko du kontratatutako enpresak. Hori ziurtatzeko, zabalpen handiko testuak edota behin eta berriz erabiltzekoak Udaleko Euskara zerbitzura eramango dira, zuzentasuna egiaztatzeko eta, maila desegokia balitz, enpresari eskatuko zaio bere kontura zuzentzea.

9.3. Erabilera administrazioarekin:

Kontratu egileak aukera izango du kontratu mota honen bidez sortzen diren ahozko zein idatzizko komunikazio mota guztiak (kontratu, faktura, txosten, bilera, kontsultak...) euskaraz eskatzeko esleipendunari.

Baldintza horiek kontraturako funtsezko betebeharrak dira, eta beraz, SPKLTaren 118.2. artikulua arabera, baldintza horiek ez betetzeak kontratua etetea eragin dezake, 223. F) artikuluan adierazi bezala.

10.- KONTRATAZIO ORGANOA

Zerbitzu honen kontratazioa Alkatetzak esleituko du, dekretu bitartez.

II.- KONTRATATZEKO PROZEDURA

11.- ADJUDIKATZEKO PROZEDURA

Kontratu hau publizitaterik gabeko prozedura negoziatu bidez adjudikatuko da, Sektore Publikoko Kontratuen Legeak 169 eta 174. artikuluetan ezarritakoaren arabera, lege horretako 174 e) artikuluan agertzen den egoera bera baita.



IBARRAKO UDALA
(Gipuzkoa)
Euskal Herria

Irizpide hauexek izango dira kontratua adjudikatzeko oinarri, garrantziaren eta puntuazioaren arabera ordenatuta:

I.- Eskaintza ekonomikoa: (51 puntu).

A:- Eskaintza ekonomiko hoberenari 51 puntu emango zaizkio eta beste proposamen guztiei honako formula honen arabera emango zaizkie puntuak:

$$X = (\text{esleipenaren prezioa} / Y) / (\text{esleipenaren prezioa} / Z) * 51$$

X= lorturiko emaitza

Y= baloratu behar den eskaintzaren prezioa

Z= eskaintza onena

B: :- Eskaintza ekonomiko hoberenari emango zaio puntuazio handiena eta zero puntu lizitazio prezioari. Gainerako eskaintzen puntuazioa izango da biderketa honen emaitza: eskaintza ekonomiko baxuenaren eta lizitatzaillearen eskaintzaren arteko koefizientea bider irizpideari aplikagarri zaizkion puntuak, hau da,

$$\frac{Ob \times Z}{Ol}$$

Ob da eskaintza ekonomiko baxuena eta Ol lizitatzaillearen eskaintza; Z aplikagarri diren gehieneko puntuak irizpidean.

II.- Txosten teknikoa. (40 puntu)

a.- Marko teorikoa eta proiektuaren helburuak. Aurkezten duten proiektua eta Ibarako Udalaren helburuen arteko lotura. Ibarako herriaren espirituarekin bat datorren berdintasun proiektua

b.- Lan-metodologia: 1. Helburuen, prozesuen eta emaitzen ebaluazio adierazleak. Ebaluazio prozedurak eta euskarriak. 2. Dinamizatzaile eta udalaren arteko koordinazioa eta formazio proposamena. 3. Udalarekiko eta herriko eragileekiko koordinazio proposamena 4. Herritarren parte- hartzea sustatzeko proposamena.

c. Zeharkako lerroak jorrazteko kalitatea eta gaurkotasuna. 1. Generoen arteko elkarbizitza bermatzeko proposamena. 2. Euskararen erabilera bermatzeko proposamena. 3. Bizikidetzeta eta aniztasuna bermatzeko proposamena.

III.- Hobekuntzak (10 puntu)



IBARRAKO UDALA
(Gipuzkoa)
Euskal Herria

Originaltasuna.
Segurtasun juridiko eta pribatutasuna babestea

Aipatutako irizpideak eta kontratuari lotutako beste edozein alderdi ekonomiko, tekniko edo logistiko negoziatuko da parte-hartzaileekin.

12.- KONTRATATZEKO AHALMENA ETA KAUDIMENA

Kontratazio prozedura honetan, pertsona natural edo juridikoek parte hartu ahalko dute, baldin eta ahalmen juridiko eta jarduteko gaitasun osoa badute, kaudimen finantzario eta tekniko edo profesionala egiaztatzen badute, eta Sektore Publikoko Kontratuen Legeak 60. artikuluan ezartzen dituen ezintasun edo bateraezintasunetako bat ere ez badute. Kaudimena 1. klausulako e) eta f) letretan ezarritako bideen arabera egiaztatu eta ebaluatuko da.

Kontratua beren kabuz egin ahal izango dute, edo beste pertsona batek ordezkatuta, horretarako emandako ahalmenaren bidez. Pertsona juridiko baten ordezkari gisa horko kideren batek parte hartu badu, horretarako ahalmena duela egiaztatu beharko du, agirien bidez. Hala, kasu batean nola bestean, ordezkariari ere eragingo diote lehen adierazitako kontratatze ezintasunek.

Administrazioarekin eta hirugarrenekin harremana duten neurrian, kontratatutako enpresako langileek administrazioak berak bete behar lituzkeen pareko baldintzak bermatu beharko dituzte, hizkuntza gaitasunei dagokienez; horregatik, eman beharreko zerbitzuen izaera kontuan izanik, langileek Europako Erreferentzia Markoaren C1 gaitasun maila izatea eskatuko da.

Kontratua esleitu aurretik egiaztatu beharko du enpresak zerbitzua emango duten pertsonak badutela eskatutako hizkuntza gaitasuna.

Era berean, enpresa kontratatu eta geroago zerbitzua emango duen pertsona berririk sartuko balitz, horiek ere eskatutako hizkuntza gaitasuna egiaztatu beharko dute.

Hizkuntza gaitasuna egiaztatze honako bi bideak erabili ahal izango dira:

1. Zerbitzua eman behar duten pertsonak eskatutako hizkuntza gaitasuna daukatela ziurtatzen duen agiria aurkeztea edo,
2. Administrazioak erabakitako proba egitea .

Subrogazio kasuetan, langileek eskatutako hizkuntza-gaitasuna betetzen ez badute, kontratua euskaraz gauzatu ahal izateko, beharrezko neurriak adostuko dira herritarren eta bezeroen hizkuntza eskubideak bermatze aldera.



IBARRAKO UDALA
(Gipuzkoa)
Euskal Herria

13. ESKAINTZAK AURKEZTEA ETA PARTE-HARTZAILEEKIN NEGOZIATZEA

Prozedura honetan parte hartzeko proposamenak ezarritako epean aurkeztu beharko dira.

Proposamen horiek Ibarra Udaletxeko erregistro orokorrean aurkeztuko dira, San Bartolome Plaza 2 zk.an, astelehenetik ostiralera 9:00etatik 14:00ak arte.

Epez kanpo aurkezturiko proposamenak ez dira onartuko, nahiz eta jasota gelditu postetxean aurkeztu zirela epea amaitu aurretik, ez bazaio kontratazio organoari bidaltzen telex edo telegrama bidez eskaera egin zeneko egunaren egiaztagiria, postaz bidali zeneko egunarena.

Kontratazio honetako espedientea eta horri lotutako dokumentazio teknikoa Administrazio honetako Idazkaritzan aztertu ahalko da, 09:00etatik 13:30era, lanegun guztietan, eskaintzak aurkezteko epe osoan.

Eskaintza horiek adierazitako toki eta ordu berean aurkeztuko dira, gutun-azal itxi baten barruan. Gutun-azal horretan, honako hau idatziko da: **“BERDINTASUN GABINETEA KONTRATATZEKO PUBLIZITATERIK GABEKO PROZEDURA NEGOZIATUAN PARTE HARTZEKO ESKAINTZA”**. Dokumentu hauek izango ditu barruan:

a) Parte-hartzailearen edo haren ordezkariaren nortasun agiriaren fotokopia. Gainera, beste pertsona edo erakunderen baten ordezkari gisa jarduten bada, notario-ahalordea ere aurkeztu beharko da.

b) Lizitatzaila pertsona juridikoa denean, Merkatu Erregistroan behar bezala inskribatutako eratze edo aldatze eskritura aurkeztu beharko da, halakorik bada, eta identifikazio fiskaleko zenbakia eman beharko da, aplikatzekoa den merkatu legediaren arabera inskribatuta egon behar badu. Hala ez bada, eskritura edo eratze dokumentu bidez, estatutu edo sortze egintza bidez egiaztatuko da jarduteko ahalmena. Agiri horiek, beharrezkoa izanez gero, dagokion erregistro ofizialean inskribatuta egongo dira eta jardueraren arauak agertuko dira bertan. Espainiarrak ez baina Europar Batasuneko estatu kideetako nazionalitatea duten enpresaburuak badira, kokatuta dauden estatuko legediaren arabera dagokion erregistroan inskribatuta daudela egiaztatu beharko dute, edo zinpeko aitortpena edo ziurtagiria aurkeztu, Europar Batasunean aplikatzekoak diren xedapenen arabera.

c) Berariazko adierazpen erantzulea, Sektore Publikoko Kontratuaren Legeko 60. artikuluan, Azaroaren 14ko 3/2011 Legegintzako Errege Dekretuak onartua (I ERANSKINA), agertzen diren kontratatze debekuetako bakar bat ere ez dutela adierazten duena. Halaber, espresuki adieraziko da indarrean dauden xedapenetan



IBARRAKO UDALA
(Gipuzkoa)
Euskal Herria

ezarritako zerga betebeharrak guztiak eta Gizarte Segurantzarekikoak egunean dauzkatela, azken bi egoera horiek egiaztatzen dituzten agiriak aurkeztu ez badira.

d) JEZn alta emanda daudela egiaztatzen duen agiria aurkeztu beharko da, zehazki kontratuaren xedeari dagokion epigrafean alta emanda daudela, baldin eta urte horretakoa bada ziurtagiria, edo JEZren azken ordainagiria, beste kasu guztietan; bi kasuetan, zinpeko adierazpen bat aurkeztu beharko da, eskaintzaileek zerga horren matrikulan baja ez dutela eman dioena.

e) Kaudimen ekonomiko finantzarioaren egiaztagiria:

Kaudimen ekonomiko finantzarioa egiaztatuko da enpresaren urteko kontuen bidez edo haien laburpen bidez, gutxienez bi erakunde finantzarioen txostenekin batera.

f) Kaudimen tekniko edo profesionala:

- Kaudimen tekniko edo profesionala, SPKLTBaren 78 art.ak ezarritako bitartekoren baten bidez.

Hautatuak izateko, enpresaburuek zerbitzuen kontratuak ematen gutxienez bi urteko esperientzia dutela egiaztatu beharko dute. Berariaz ohartarazten da hori egiaztatzeko kontratua eman den Udalaren ziurtagiria aurkeztu beharko dela.

- Kontratu honetako koordinazio lanak egingo dituenak Erdi Mailako Titulu, Unibertsitateko Diplomatura edo baliokideren baten jabe izatea eta Berdintasun alorrean gutxienez 2 urteko esperientzia izan beharko du. Koordinazio lanetan arituko denaren argiri horien kopia konpultsatuta aurkeztu beharko dira parte hartzeko eskaerarekin.

- Kaudimena frogatzeko, gainera, prozeduran parte hartzeraren onartutako lizitatzailerik haien proposamenetan zehaztutako baliabide materialekin eta giza baliabideekin osatuko da. Hori kontratatuari atxikiko zaio derrigorrezko izaeraz eta, beraz, SPTLTBaren 64.2 artikuluan xedatutakoaren arabera, hori betetzen ez bada kontratua bertan behera uzteko arrazoi izango da 223 f) artikuluan adierazi bezala.

- Horrela, esleipendunak, kontratua burutuko duten langileen izen-abizenak eta horien lanbide-prestakuntza adierazi beharko da.

- Langileen %100 nahitaez egiaztatu beharko dute administrazioko 3. Hizkuntza eskakizuna, dagokion ziurtagiria aurkeztuta, 263/1998 Dekretuari jarraituz. Beraz, hezkuntzako 2. Hizkuntza eskakizuna, EGA edo administrazioko 3. Hizkuntza eskakizunaren pareko beste titulu batzuk aurkeztu ahalko dira.



IBARRAKO UDALA
(Gipuzkoa)
Euskal Herria

- Lan honetan arituko diren orok, ziurtatu beharko du ez dela sexu-askatasun eta sexu-ukigabetasunaren aurka egindako delituengatik kondenatua izan epai irmoarekin. Horretarako, Sexu delitugileen erregistroko Zentralaren ziurtagiria ekarri beharko da (uztailaren 28ko, 26/2015 legeak egindako, adingabearen babes juridikoaren urtarrilaren 15eko 1/1996 Lege Organikoaren 13.5 artikulua aldaketa).

- Zerbitzua emango duen langilearen identifikazioa, eta hala badagokio hizkuntz gaitasunaren egiaztatzea.

g) Baldin eta hainbat enpresaburuk enpresen aldi baterako elkarte gisa parte hartzen badute lehiaketan, elkarte hori osatzen duten guztiek egiaztatu beharko dute jarduteko ahalmena eta kaudimena badutela, aurreko puntuetan ezarritakoaren arabera, eta adjudikaziodun suertatuz gero aldi baterako elkarte gisa formalki eratzeko konpromisoa agertu beharko dute. Halaber, aldi baterako elkarte horretako kide bakoitzak xedearren zein zati egingo duen adieraziko da eskaintzan, guztien kaudimen baldintzak zehaztu eta egiaztatzeko.

h) Atzerriko enpresek Espainiako epaitegi eta auzitegien jurisdikzioaren pean jarriko direla dioen adierazpena aurkeztu beharko dute, zuzenean edo zeharka sor daitezkeen kontratuaren gorabehera guztietarako, eta hala behar izanez gero eskaintzaileari dagokion jurisdikzio foruari uko egingo diotela adierazi beharko dute.

i) Eskaintza baloratzeko lagungarri gerta daitezkeen agiriak, agiri honetako 12. atalean adierazitakoaren arabera.

j) Eskaintza ekonomikoa, eredu honetara egokitua:

Jauna/andrea:.....

.....

PK:.....NAN:.....Telefonoa:.....Helb
ide elektronikoa:.....

Ahalmen juridiko eta jarduteko ahalmen osoz, bere izenean edo ren ordezkarri gisa (helbidea:.....

PK:.....; telefonoa:..... eta NAN edo IFK (pertsonea fisikoa edo juridikoa bada):.....), Berdintasun Gabinetean kontratatzeko prozedura negoziatu bidezko prozesuan parte hartzeko gonbita jaso dudalarik, hauadierazten dut

1) Konpromisoa hartzen dudala kontratua euroan betetzeko (..... €, %.....(e)ko BEZarenak), epean. Prezio horren



IBARRAKO UDALA
(Gipuzkoa)
Euskal Herria

barruan kontzeptu guztiak daude sartuta, edozein arlotako zerga, gastu, tasa eta arielak, eta kontratistaren etekin industrialak barne.

2) Ezagutzen ditudala klausula administratibo berezien agiria, baldintza teknikoaren agiria eta kontratua arautuko duten gainerako dokumentuak, eta espresuki onartzen ditudala eta guztiari men egiten diodala.

3) Ordezkatzen dudana enpresak betetzen dituela indarrean dagoen araudiak irekitzeko, instalatzeko eta funtzionatzeko eskatzen dituen baldintza eta betebeharrak guztiak.

.....-(e)an, 20.....ko -(a)ren(e)(a)n.

Sinadura

Halaber, aurreko a), b) eta e) letretan adierazitako egoerak Euskal Autonomia Erkidegoko Eskaintzaile eta Enpresa Sailkatuen Erregistro Ofizialaren, Estatuko Eskaintzaile eta Enpresa Sailkatuen Erregistro Ofizialaren edota Europar Batasuneko sailkapen ziurtagiri baten bidez egiaztatu ahalko dira, SPKLko 84. artikuluan xedatutakoaren arabera. Kasu horretan, ziurtagiri horrekin batera eskaintzailearen adierazpen erantzule bat aurkeztu beharko da. Adierazpen horretan, ziurtagirian agertzen diren egoerak ez direla aldatu adierazi beharko da.

Aurkeztutako agiriak jatorrizkoak edo Administrazioak nahiz notario batek konpultsatutako edo benetakotzat jotako kopiak izan ahalko dira.

Testu Bateginaren 178.2 artikuluari jarraiki, Udalak negoziatu beharreko eskaintzak murriztu ditzake baldintza plegu honetako irizpideak jarraituta.

Negoiazioa amaituta, haren ondorioz iritzia aldatu duten parte-hartzaileek azken eskaintza bidali beharko dute, ekonomikoki abantailatsuena zer eskaintza den ikusi eta horren arabera eskaintza ekonomiko hobereana hautatzeko.

14.- ADJUDIKAZIOA, FORMALIZATZEA ETA GASTUAK

Egindako eta amaitutako eskaintzak kontuan hartuta eta, halakorik izan bada, parte-hartzaileekin egindako negoziazioak Politika Feminista zinegotziak espedientea aztertuko du (Udaleko Bitarteko Idazkariarekin bat), eta adjudikazioa Alkate Dekretu bidez emango da..



IBARRAKO UDALA
(Gipuzkoa)
Euskal Herria

Kontratazio organoak, neurritz kanpoko edo ez normaltzat joak izan ez diren proposamenak beherazko ordenaz sailkatuko ditu.

Kontratazio organoak, eskaintza ekonomikorik onena egin duen eskaintzaileari, hamar lanegunetako epean, eskakizuna jaso eta hurrengo egunetik hasita, ondorengo ziurtagiriak aurkeztea eskatuko dio:

- a) Zerga eta Gizarte Segurantzako betebeharrak bete dituela egiaztatzen duen agiria aurkeztu beharko du.
- b) Kontratua gauzatzeko agindutako baliabideak benetan badituela.
- c) Bidezkoa den behin betiko bermea eratzea.

Eskakizun hori adierazitako epean betetzen ez bada, eskaintzaileak bere eskaintza erretiratu egin duela ulertuko da, eta hurrengo eskaintzaileari eskatuko zaizkio agiri horiek, eskaintzak sailkatuta geratu diren ordenari jarraituta.

Kontratazio organoak dokumentazioa jaso eta hamar egun baliodun igaro baino lehen adjudikatuko du kontratua.

Eskaintza ezingo da hutsik utzi baldintza pleguan ezarritako irizpideekin bat datorren eskaintza edo proposamenen bat egonez gero.

Adjudikazioa arrazoitua izango da eta hautagaiei edo lizitatzzaileei jakinaraziko zaie.

15.- KONTRATUA FORMALIZATZEA

Kontratua agiri administratibo baten bidez formalizatuko da, gehienez ere adjudikazioaren jakinarazpena jaso eta hamabost egun baliodun igaro baino lehen. Agiri hori aski titulu izango da edozein erregistro publikotan sartzeko. Nolanahi ere, kontratistak eskatu ahalko du kontratuaren eskritura publikoa egitea. Hala bada, berak ordainduko ditu gastuak .

Kontratua formalizatzen denean perfektionatuko da.

16.- KONTRATUA GAUZATZEA

Kontratua kontratistaren gain eta galorde gauzatuko da, eta ez da azpikontrataziorik onartuko.



IBARRAKO UDALA
(Gipuzkoa)
Euskal Herria

Kontratua agiri honetako klausulen arabera beteko da, Administrazioaren zuzendaritza, ikuskapen eta kontrolaren pean. Administrazioak idatziz nahiz ahoz baliatuko du ahalmen hori.

Baldin eta kontratistari edo haren mendeko pertsoneri egotzi ahal zaizkien ekintzengatik edo haiek egin beharreko eginbeharrak ez egiteagatik kontratua ondo ez betetzeko arriskua badago, Administrazioak egoki irizitako neurriak hartzea exijitu ahalko du, kontratua ondo gauza dadin.

17.- KONTRATISTAREN LANEKO BETEBEHARRAK

Kontratatik lan arloko lege xedapenak, Gizarte Segurantza eta laneko segurtasun eta osasun betebeharrak bete beharko ditu, eta Administrazioak ez du erantzukizunik izango kontratatik betebehar horiek betetzen ez baditu.

18.- KONTRATISTAREN ERANTZUKIZUNA, KONTRATUA BETETZEAN HIRUGARREN BATZUEI EGINDAKO KALTEEI DAGOKIENEZ

Kontratista izango da kontratua gauzatzeko egin behar diren eragiketen ondorioz sortutako kalte-galeren erantzulea, SPKLko 214 eta 305 artikuluen arabera.

Berme horrek estaliko ditu kontratuari loturiko arriskuak eta bereziki, hirugarren batzuei egindako kalteengatik erantzukizun zibila (orokorra, patronala eta gurutzatua), bai esleipendunaren, bai langileen eta mendekoen egintzen ondorioz sorturiko kalteak, tresnerian izandakoak eta kontratu honen helburu den zerbitzua ematerakoan egindako lanengatik sorturiko kalteak.

19.- KONTRATUA ALDATZEA

Sektore Publikoko Kontratuei buruzko urriaren 30eko 30/2007 Legeko 219. artikuluekin bat etorriz, administrazio kontratu hau interes publikoko arrazoiengatik aldatu ahalko da, I Liburuko V. Tituluan ezarritako kasuetan eta eran, eta 211. artikuluan araututako prozedurarekin bat etorriz. Kasu horietan, kontratazio organoak adostutako aldaketak nahitaez bete beharko ditu kontratatik.

20.- KONTRATUA EZ BETETZEAGATIK KONTRATISTARI JARRI AHAL ZAIZKION ZIGORRAK

A/ KONTRATUA GAUZATZEKO EPEAK



IBARRAKO UDALA
(Gipuzkoa)
Euskal Herria

Baldin eta kontratistak berari egotzi ahal zaizkion arrazoiengatik kontratua garaiz amaitu ez badu, hala epe osoari dagokionez nola, halakorik bada, epe partzialei dagokienez, Administrazioak bi erabaki hauetako bat hartu ahalko du: edo kontratua etetea bermea kenduta, edo egunean eguneko zigorrak jartzea, kontratuaren prezioko 1.000 euro bakoitzeko 0,20ko proportzioan.

Berandutzeagatiko zigorrak kontratuko %5eko multiplora iristen diren bakoitzean, kontratazio organoak ahalmena izango du kontratua azkentzeko edota harekin aurrera jarraitzeko, beste zigor batzuk jarrita.

B/ PRESTAZIOAK PARTZIALKI GAUZATZEA

Kontratistak berari egoztekoak zaizkion arrazoiengatik kontratuan zehaztutako prestazioetako batzuk bete ez baditu, Administrazioak bi aukera hauek izango ditu: edo kontratua azkentzea, edo zigor bat jartzea, kontratuaren guztizko prezioaren ehuneko 10aren heinekoa.

Prestazioa ondo eman ez bada, Administrazioak kontratuaren aurrekontuaren % 10aren heineko zigorra jarri ahalko du.

Kaudimena 11.e) klausulan ezarritako baliabide material edo pertsonalekin osatzeko betebeharra bete ez bada, Administrazioak kontratuaren aurrekontuaren % 10aren heineko zigorra jarri ahalko du.

Zigor horiek lege ezarritako prozeduraren bidez eraturako bermetik ordainduko dira, eta kontratistak osatu beharko du ondoren bermea, zigorrak ordaintzeko zati bat kendu behar den bakoitzean.

21.- KONTRATUA BERTAN BEHERA UZTEKO ARRAZOIAK

Zerbitzu kontratua bukatzeko arrazoi izango dira SPKLko 223 eta 308. artikuluetan ezarritakoak, eta SPKLko 225. eta 309. artikuluetan adierazitako baldintzetan eta ondoreekin.

21.- ADMINISTRAZIOAREN PRERROGATIBAK

Administrazioari dagokio kontratua interpretatzea, kontratua betetzean sor daitezkeen zalantzak argitzea, interes publikoko arrazoiengatik kontratua aldatzea, amaitzea eta horren eraginak erabakitzea, betiere Sektore Publikoko Kontratuen Legeak eta Administrazio Publikoetako Kontratuen Legeko Araudi Orokorrek ezarritako mugen barruan eta horko baldintza eta eraginak betez.



IBARRAKO UDALA
(Gipuzkoa)
Euskal Herria

23.- BALIABIDEEN ARAUBIDEA

Kontratazio honi dagozkion ebazpenek eta izapidezko egintzek, baldin eta azken horiek zuzenean edo zeharka erabakitzen badute gaiaren muinaren gainean, ezartzen badute ezin dela prozedurarekin jarraitu, babesgabezia sortzen badute edo eskubide eta interes legitimoetan kalte konponezina badakarte, Herri Administrazioen Araubide Juridikoari eta Prozedura Administratibo Erkideari buruzko azaroaren 26ko 30/1992 Legean araututako berraztertze errekurtso administratiboa jarrai ahalko da, edo, bestela, administrazioarekiko auzien errekurtso bat jarri ahalko da, Administrazioarekiko Auzien Jurisdikzioari buruzko uztailaren 13ko 29/1998 Legean araututakoari jarraiki.

Interesdunek gainerako izapidezko egintzen aurka daudela alegatu ahalko dute, prozedura amaitzen duen ebazpenean kontuan har daitezen.

24.- DATU PERTSONALEN BABESA

Kontratazio hau dela-eta, norbanakoen datuak erabili behar badira, kontratistak Sektore Publikoko Kontratuei buruzko Legearen Testu bateratuaren hogeita zazpigarren Xedapen Gehigarrian ezarritako betebeharrak bete beharko ditu, Datu Pertsonalen Babeserako abenduaren 13ko 15/1999 Legeari eta Lege gori garatzen duen araudiari dagokionean.

EGINBIDEA: Jasota geratzeko baldintza administratiboen plegu hau Tokiko Gobernu Batzordeak onartu zuela

Alkatea

Idazkaria